

OTUTTUN SENI KEPINA NAMPAN 20-16

SOPWENO ANGANGEN MWUUN: FORI MET EPWE TUFICH PWONUTA ME FISIOCH MWICH ME SOPWOSOPWONON ANGANG AN ACH MWUU NON EI FANSOUN EI MONUN SEMWEN MI TER (COVID-19) NON UNUSEN NENI

Non ewe February 28, 2020, uwa finata ekkewe aramas repwe wisen kokkot won me pwungupwung ren met eppetin me angangen ei monun semwen Coronavirus non Oregon.

Non ewe February 29, 2020, ewe putain pekin tumwunun nonnomwuch aramas ika human services a wauu ekkoch tichikin poraus an epwe epeti an aramas repwe no ngeni ekkewe neni minne mi apwangapwang ika chinnap ra nonnomw ie.

Non ewe March 2, 2020, ewe Emergency Coordination Center an mwuun Oregon a poputa.

Non March 8, 2020, uwa affata pun sia nomw non emergency fan pungun ORS 401.165 *et seq* ongonong won ewe minafon monun semwen (COVID-19) a chouu non chomwong neni.

Non ewe March 12, 2020, uwa onnuku an epwe chiwen or watten emwicheichen aramas epwe nape seni 250 aramas, uwa pwan wauu esinesinen an epwe kesip sukun non unusen Oregon seni mwichen chero ngeni 12 ika K-12 epwe poputa seni March 16, 2020 tori March 31, 2020.

Non ewe March 13, 2020, ewe Presidentin Merika a opwungano pun ei semwen COVID-19 a ew national emergency ika emerechensi ngeni unusen non Merika.

Non March 17, 2020, uwa onnuku an epwe chiwen or an aramas chufengen epwe napeseni 25 aramas, uwa pwan oukatiw an epwe chiwen or mongo non ekkewe nenien mongo non unusen Oregon, iwe uwa pwan attamano ewe kesipenon sukun ngeni April 28, 2020. Uwa pwan pesei ekkewe nenien business ar repwe oppochuna ewe onnukun an aramas repwe towaw fesen resapw mwochhu.

Non March 18, 2020 uwa ouweno sukun ngeni ekkewe sukun mi tekia seni mwichen 12 tori April 28, 2020.

Non March 22, 2020 uwa opwungano an esapw or an aramas repwe touu seni imwer ren an ese kamotiw, esapw or an sou onnuk repwe taropwe ngenir ika fori

angangen ar repwe atoorouu seni imwer ika nenier pokiten ese totiw meer tori inet epwe pwan ekkesiwin.

OTUTTUN SENI KEPINA NAMPAN 20-16 PAGE TWO

Non March 23, 2020, uwa opwungano pun chon Oregon repwe fiti ewe "Omw Nom Neimw, Ka Tumunu Manawen Aramas" aramas repwe nomwetiwi neimw, ekkoch ekkewe watten sitowa repwe kesip, oppochokunano ewe onnukun atowawok seni ekkoch me pwan wauu ekkoch onnukun ekkewe nenien chufengen me nenien tumwunun semirit.

Non ewe April 1, 2020, uwa opwungano pun esapw or an epwe kataano met mi nomw non etiipeew nefinen soufonu me ekkewe chon nonnomw ren an ese kamotiw imwer, pokiten epwe tufich ar repwe chok sopoulosono ne nomw non imwer esapw or epwe atoorouu, me pwan kutta sokkun aninis non ei fansoun weiweitan osukosuk.

Non ewe April 8, 2020, uwa wauu esinesinen pun sukun meinisini tori pwan ekkewe sukun tekia repwene kesipeno ika kouno tori nesoponon ei ierini sukun.

COVID-19 mi tongeni epwe angawa ekkewe anen tonongen asepan non inisich minne mi tongeni esenipa an emon epwe chou an semwen ika fen mano. Ewe World Health Organization a affata pwe COVID-19 epwe chouu me osukosuka non unusen fonufan. COVID-19 e chouno ren an aramas angei seni ekkoch ar mwoor, mwesi, me pwan otokan ngeni ekkoch, pachonong ar repwe attapa ekkewe neni ika mettoch mi or ewe monun semwen won iwe ra attapa awer, pwotur, ika meser.

Nouch kewe meinapen non ach kewe nenien safei ika pioing ra affata pun ei monun semwen a nonnomw non neniach kei iwe sipwe mwonneta ngeni pun epwe wattenon mi nonnomw ren ei monun semwen me epwe chomwongono. Ewe ofesin Centers for Disease Control and Prevention (CDC) a affata pun COVID-19 epwe kon mwuttir ne chouu ika emonnewe e nomw ren ewe monun semwen a mefi semwen nge mi pwan tongeni chou me mwen an emonnwe epwe mefi semwen. CDC a pesei ach sipwe fori met epwe ekisano chounoon ei semwen non neniach pachonong ach sisapw chufengen non emwicheich watte.

Ukukun ion a nomw ren ei semwen COVID-19 mi chok wakkateno me non Oregon. Non ewe March 8, 2020, ewe fansoun uwa opwungano pun sia nomw non emerechensi ika weiweitan osukosuk, ukukun mi urir ewe semwen mi chok nomw won 14 me non Oregon. Ikenai, sia nomw won 1,663 a urir ei semwen me 58 ra maa.

Non chok ei mwochomwochen fansoun, COVID-19 a fen muttir chounon. Fan iten ach sipwe ekisano chounon COVID-19 non Oregon, me pwan ach sipwe tumwunu pochokunen me manawen chon Oregon, akkaewin ekkewe epwe kon mecheres an epwe torir, uwa mefi nge mei auchea epwe or ekkesiwinin ika pwan kapachetan met sipwe fori ren pekin eppetin me tumwunun meinisin chon Oregon kapachonong an esapw watte osupwangenon pekin mwoni.

OTUTTUN SENI KEPINA NAMPAN 20-16 PAGE THREE

Non ei fansoun weiweitan osukosuk, mwuun Oregon me ekkewe me pwan nouwisin repwe sopweno ar angang, ne awora met ekkewe aninis mi auchea, me finata met ar kokkot non an epwe fat ngeni meinisin. Kofemen ika mwuu epwe fori non an esapw or efeiengawan, me epwe pwan fiti met ekkewe uwa finata ren kokkotun ei weiweitan osukosuk. Mi auchea an aramas repwe sinei met mwokutukutun me kokkoton ach kei kofomen ika mwuu, nge an epwe or chon fiti mwich mi tongeni epwe pwan awateno osukosuken ei semwen ngeni ekkoch, me nukun chok ika sipwe fori ngeni pwungun ach eppetin ika tumwunu. Ren ei wewe, non ei fansoun weiweitan osukosuk ika emerechensi, ach mwich faniten aramas epwe fis won phone, video, ika ekkewe sokkun nounoun me angangen chuu fengen ese menei nonomw fengen non ew nenian epwe eppetin chon Oregon seni semwen, me pwan okkukunano chounon COVID-19. Mi pwan auchea ekkewe mwuu kukkun repwe efisi ar mwiichen nounoun mwoni nge epwe pwan fiti ngeni ai we onnukun nomwonong non imw, pun repwe tongeni sopweno ar angangen mwiich won met mwonien mwuun me sokkun aninis mi kawor seni mwuun.

INA POPUN, IKENAI SIA WAUU PUNGUN ME FINATA PUN:

Fan pungun ORS 433.441, ORS 401.168, ORS 401.175, ORS 401.188 me pwan ORS 401.192, uwa wauu ekkei onnuk, minne mi mwutata ach kewe kofomen ika mwuun ar repwe fori met mi ururoch ngeni mwokutun nenier, an aramas repwe pachonong non kefinitan mettoch, me pwan kaworen metekewe aninis seni mwuun mi auchea ngeni tumwunun me nonnomwun aramas non ei fansoun COVID-19.

1. Wewen. "COVID-19 emergency period" wewen ewe fansoun ewe Otuttun seni Kepina nampan 20-30 seni meinap faniten ei weiweitan osukosuk ren COVID-19 a poputa manamanan, tori met feinnon ei weieitan osukosuk ika emerechensi.

Mwich Ngeni Aramas Non fansoun weweitan osukosuk ika emerechensi ren COVID-19:

- a. Ekkewechon wisen ekkemweni ekkewe aramas (ussun mi affat seni ORS 192.610(3) me (4)) repwe efisi ar mwich me arongorong won phone, video, ika pwan ekkewe ekkoch anen tour fengenin aramas non fansoun an tufich. Ren ekkewe mwich an aramas mi fis won phone, video, ika pwan ekkewe ekkoch anen poraus fen, ekkewechon mwich repwe fori met epwe tufich ren an aramas meinisin repwe ousening ngeni ika fiti ewe mwich non ewe fansoun mi fis nge esapw pwan or ar repwe mwomwot non ewe mwich ika arongorong. Ei kinikin esapw pwan masowen ekkei chufengen, ussun mi affat non ORS 192.610(2)

**OTUTTUN SENI KEPINA NAMPAN 20-16
PAGE FOUR**

- b. Nupwen ese tufich an epwe fis en mwich ika arongorong won phone, video ika pwan ekkewe ekkoch anen poraus fengen ussun mi affat non ewe kinikin 2(a) ren ei Otuttun seni Kepina nampan, ekkewe aramas re fiti ewe mwich repwe fiti pwungun ewe onnukun atowawok seni aramas kesapw ottokan ngeni (onu fiit ika nap seni nefinomw me emonnen), ren ukukun met e tufich.
- c. Ika pwe mi nomw non onnuk pun enchon pwarata epwe nonnomw non en mwich ika arongorong nge mi or anen anchon en mwich repwe chok angei an poraus won phone, video ika pwan ekkewe ekkoch anen tour fengen nge esapw pwan nomw, ika epwe tongeni chok makkei metekewe an kapasen pwarata, pachonong an epwe email ika pwan ekkoch, iwe ewe onnuk epwe kepichino ika pwe mi fis non urourochun fansoun. Ei kinikin ese pwan pachonong non ei kapasen arongorong ussun mi affat non ORS chapter 183

An epwe tongeni pwonuta ika fis ew mwokutukut, kukkunon chochoon en mwich repwe tongeni nonnomw non en fansoun mwich arapakkan unusenchon en mwich, ese pwan pachonong ekkewe rese nonomw

ren an urir ei semwen COVID -19, me nukun chok ika mi affat me non onnuk.

Mwichen Nounoun Mwoni Non fansoun weweitan osukosuk ika emerechensi ren COVID-19:

- a. Ekkewe onnuk fan pungun ORS 294.305 ngeni 294.565, ika ORS 294.900 ngeni 294.930, An epwe or fansoun an aramas ese nifinifin ika ekkewe iir mi moni ar takises repwe tongeni kapas eis ika memmef won, ika repwe chuuto ren, ika fiti ew arongorong ren, ewe kamitin nounoun mwoni mi fisita fan pungun ORS 294.414 ika ORS 294.905, ika ewe mwichen nouwisin ekkewe aramas mi affat non ORS 294.311) ika ewe mwichen councilun mwuun (ussun mi affat non ORS 294.900), mi tongeni epwe pwonuta ika e kawor anen chuufengen me poporaus won phone, video, ika pwan ekkewe ekkoch anen tour fengen non poruas nge resapw nonomw fengen, ika fen pwan awora non taropwe me fougoun mesen mak, pachonong email ika pwan ekkoch, minne ewe kamiti ika ekkewe nouwis repwe tongeni angang won non koukun fansoun mi tufich.

**OTUTTUN SENI KEPINA NAMPAN 20-16
PAGE FIVE**

- b. Ika epwe or esinesinen poraus ika pwan ekkoch mettoch mi affat non ORS 294.565, ika ORS 294.900 ngeni 294.930, mi tongeni an epwe katoou ekkei esinesin ika pwan ekkoch poraus won internet non minne urourochun.
- c. Ika ewe poraus seni public health faniten ei weiweitan osukosuk ren COVID-19, ika pungun ewe Otuttun seni Kepina nampan mi tou non ORS 401.165 ngeni 401.236 pwan fan asengesen chok ena weiweitan osukosuk, epwe esenipa an ewe mwichen angangen aramas resapw fiti pungun onnuk seni ORS 294.305 ngeni ORS 294.565 ika ORS 294.900 ngeni 294.930, iwe, inamwo ika ORS 294.338(1) ika ese nifinifin menni onnuk, ewe mwichen angangen aramas mi tongeni finata nounoun mwoni mi urouroch ngeni sopolosonon mwokutun ewe angang fan nurun ewe kokkotun nounoun mwoni mi affateti, ika pwe epwe weweoch ngeni an ese pwonuta ewe onnuk ORS 294.305 ngeni 294.656 ika 294.900 ngeni 294.930 esapw mang seni ururun fansoun epwe fis.

- d. Ika mi or onnuk faniten ewe commission ren pekin tumwunun takises ar repwe chufengen ren arongorong fan nurun ORS 294.640 ika 294.655 mei tongeni epwe fis ika epwe or anen chuufengen ika mwich won phone, videon, ika pwan ekkewe ekkoch anen poraus won mecha, ika pwan awora anen an epwe katonong poraus non fougoun mesen mak, pachonong email ika pwan ekkoch sokkun anen mak, minne ewe commission mi tongeni epwe onomwu non kokkot me mwen ar repwe wanong mefier won, met ar ekiek, opungano, ika order faniten an ewe mwichen angangen aramas me ar nounoun mwoni, omwochano metekewe ar tufich faniten ar takises, ika ar kewe etipeewin pekin nounoun nour mwoni.
- e. Ekkei angangen opungano mi affat me non ORS 221.770(1)(b) me (c) mi tongeni pwonuta ika e or arongorong won me pwan mwumwuta memmef non mak ussun mi affat non kinikin 3(a) me non ewe Otuttun seni Kepina nampan, me pwan fori angangen opungano ngeni ewe Oregon Department of Administrative Services esapw mang seni inet chok fansoun a tongeni poputa nounoun ewe mwoni mi affat non pwachet.

**OTUTTUN SENI KEPINA NAMPAN 20-16
PAGE SIX**

Ei Otuttun seni Kepina nampan a katou fan nurun ewe nemenem mi nonnomw ren Kepina seni ewe ORS 401.165 ngeni 401.236. Fan pungun ORS 401.192(1), ekkei poraus mi affat non ei Otuttun seni Kepina nampan epwe chok wewe ngeni pochokunen me tekian onnuk, ika menni onnuk mei sokkono ika ungeni an Kepina kei poraus faniten weweitan osukosuk ren ei semwen, iwe ekkena onnuk meinisin repwe katano pochokuner.

Ei Otuttun seni Kepina nampan epwe poputa pochokunan, sotosopono tori inet fansoun Kepina a pwan pusin ataeno.

Foruta me non Salem, Oregon non ei 15^{en}ranin non April, 2020

Kate Brown
Kepina

PWARATA:

Bev Clarno
SECRETARY OF STATE